



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De milite, cuius vinea collecta, ob perfectionem decimationis, miraculosè  
repleta est, cap. 13.

**urn:nbn:de:hbz:466:1-13177**

**F**rater Walterus, monachus in Hemmenrode, referre solet miraculum mirabile, cui se interfuisse memorat. Cum peregrini in prima expeditione obfiderent ciuitatem Achon, contigit quodam die, ut egressi Saraceni manu violenta propellerent Christianos in castra sua. Erat autem tunc ibi miles quidam inuenis Theodericus nomine, frater domini Cunonis de Rulant, qui adhuc viuit: is fluxu sanguinis adeo laborabat & infirmabatur, quod in lecto suo non per se, sed in linteamine vertebatur. Hic auditio strepitu & clamore fugientium, interrogavit quid hoc esset; & cum audisset rem, iussit sibi afferri arma sua, & se armari in lecto sedendo. Tandem strato dextrario suo, & accinctus ense, iussit se leuari super equum suum, & fluebat sanguis etiam per sellam: acceptaque lancea exiuit, dicens: Deus adiuua me, & sanctum sepulchrum: qui tanta vehementia prorupit in Saracenos, transiens & circumgirans, percutiens & propellens, quod omnes Christiani animati & confortati sunt per eum solum, adeo quod ejecerunt hostes a castris suis. Quo facto, rediit ad lectum infirmitatis suae, & tertia die mortuus est. Audi nunc de justitia miraculum satis gloriosum.

## CAP VT XIII.

*De iu-  
stitia.*

**M**iles quidam in dandis suis decimis, tantum erat devotionis ac iustitiae, ut ei summum esset studium illas soluere sine mora, sine dolo, sine vexatione. Habebat autem vineam quandam, que circa decem carratas annuatim facere solebat. Tempore quodam, ut post patuit, magis ex Dei dispensatione, quam ex aeris intemperie, postquam collectum est, vim numerique expressum, una tantum inuenta est carrata. Quo auditio, miles seruo suo verbū memoria dignum respondit: Quod meum erat, inquit, mihi Dominus tulit, ego illi portionem suam non auferam, vade, & da sacerdoti carreatam hanc pro decima, quod & factum est. Eodem tempore militis germanus, sacerdos quidam iuxta praedictam vineam transiens, eam uis referat

tam

tam vidit, moxque ad fratrem intrans, de negligentia illum arguit, dicens: Quare nondum collecta est vinea vestra? Respondente illo: Diu collecta est, sacerdos subiunxit: Nequaquam, iam illam plenam vidi. Quæsitum est, & inuentum, nec vñquam aliquo anno vberiores fructus fecit quam in illo. Hæc nobis eodē tempore recitata sunt, & satis doleo, quod nomē militis siue loci non retinui. Aliud tibi referam de humilitate miraculum satis magnum.

## CAPUT X IV.

**F**uit in Hemmenrode Conuersus quidam bonus, *De humilitate,*  
Euerhardus nomine, custos mediæ portæ. Is ali quando egressus cum fratribus carpentariis tempore hyemis in siluam, eorum vtensilia custodiebat, & cibaria præparabat. Vna dierum, cùm solito tardius surrexisset ad vigilias, egressis fratribus ad laborem, ipse orationes suas accelerabat, ut illis pulmentaria tempestiuū præparare posset. Inter orandum apposuit ollam æream foco, sed aquam oblitus est infundere; post horam, olera impositurus, inuenit ollā candentem, subitoque turbatus, & factus sine consilio, ut subueniret ollæ, aquam frigidam infudit: at illa, ut suæ naturæ est, statim dissiliendo confracta est: aliam verò ollam, in qua laborantibus cibum procuraret, non habēs, genua ad orationem flexit, & cum lachrymis Deum suppliciter implorauit, ut misericordiam & consilium sibi daret, quatenus pro nomine suo laborantes expectato non priuarentur edulio. Pius Dominus humilitatem ministerij eius attendens, orationem eius exaudiuit: qui surgens ab oratione, ollam eandem iuxta se integrum conspexit stantem. Gratias igitur agens Deo, ollam arripuit, aquam infudit, ignibus admouit, olera imposuit, & ea, quam velocius potuit, coxit. Quibus sufficienter decoctis, horam tertiam significauit; & fratres, oratione completa, ad reficiendum conserderunt. Post refectionem autem professi sunt, quia toto illo tempore, quo ibidem demorati fuerant, tam bona olera non comedissent, simul & mirati sunt, quod citius solito tertia

Qq signi-